



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՄԵԾԱՄՈՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետություն, Արմավիրի մարզ, ք.Մեծամոր, Վարչական կենտրոն 2.1, 060656505
metsamormeria@yandex.ru

Ո Ր Ո Շ ՈՒ Մ

13 ՓԵՏՐՎԱՐԻ 2023թվականի N 0510

«ԱՐԳԱՎԱԶՇԻՆ» ՍՊ ԸՆԿԵՐՈՒԹՅԱՆ ՏՆՕՐԵՆ ՀԱՅԿ ԱՐՄԵՆԻ ԳԱՍՊԱՐՅԱՆԻՆ
ՎԱՐՉԱԿԱՆ ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ ՄԱՍԻՆ

1. Վարչական ակտով լուծվող հարցի նկարագրություն.

Մեծամորի համայնքապետարանի գյուղատնտեսության և բնապահպանության բաժնի աշխատակիցների կողմից 2022 թվականի դեկտեմբերի 13-ին ՀՀ Արմավիրի մարզի Մեծամոր համայնքի Եղեգնուտ բնակավայրում կատարված ստուգայցի արդյունքում պարզվել է, որ «ԱՐԳԱՎԱԶՇԻՆ» ՍՊ ընկերությունն՝ ի դեմս տնօրեն Հայկ Արմենի Գասպարյանի, ՀՀ Արմավիրի մարզի Մեծամոր համայնքի Եղեգնուտ բնակավայրում՝ համայնքային սեփականություն հանդիսացող 15քմ /կադաստրային ծածկագիր՝ 04-018-0304-007/ և 16քմ. մակերեսով /կադաստրային ծածկագիր՝ 04-018-0970-001/ հողամասերում առանց հողօգտագործման իրավունքի և առանց համապատասխան թույլտվության կատարել է ապօրինի ընդերքօգտագործում, որի վերաբերյալ կազմվել է վարչական իրավախախտում հայտնաբերելու մասին թիվ 1 արձանագրությունը:

Համաձայն «Վարչարարության հիմունքների և վարչական վարույթի մասին» Հայաստանի Հանրապետության օրենքի 30-րդ հոդվածի /բ/ կետի՝ Մեծամոր համայնքի ղեկավարի կողմից 2022թվականի դեկտեմբերի 29-ին կայացվել է թիվ 2585 որոշումը՝ «ԱՐԳԱՎԱԶՇԻՆ» ՍՊ ընկերության տնօրեն՝ Հայկ Արմենի Գասպարյանի նկատմամբ վարչական վարույթ հարուցելու մասին:

2. Վարչական ակտն ընդունելու համար հիմք հանդիսացող փաստերը.

Վարչական գործի փաստական հանգամանքների բազմակողմանի, լրիվ և օբյեկտիվ քննության արդյունքում ձեռք բերված ապացույցներով հաստատված է համարվում հետևյալը.

ա. Մեծամորի համայնքապետարանի հողաշինության և քաղաքաշինության բաժնի աշխատակիցների կողմից 2022թվականի հուլիսի 27-ին ՀՀ Արմավիրի մարզի Մեծամոր համայնքի Արգավանդ բնակավայրում կատարված ստուգայցի արդյունքում պարզվել է, որ «ԱՐԳԱՎԱԶՇԻՆ» ՍՊ ընկերությունն՝ ի դեմս տնօրեն Հայկ Արմենի Գասպարյանի, 2022 թվականի հուլիսի 12-ին ՀՀ Արմավիրի մարզի Մեծամոր համայնքի Արգավանդ բնակավայրում՝ համայնքային սեփականություն հանդիսացող 15քմ. մակերեսով /կադաստրային ծածկագիր՝ 04-018-0304-007/ և 16քմ. մակերեսով /կադաստրային ծածկագիր՝ 04-018-0970-001/ հողամասերում առանց հողօգտագործման իրավունքի և առանց համապատասխան թույլտվության կատարել է ապօրինի ընդերքօգտագործում,

որի վերաբերյալ 2022թվականի օգոստոսի 23-ին Մեծամոր համայնքի ղեկավարի կողմից կայացվել է թիվ 1749 որոշումը՝ «ԱՐԳԱՎԱԶՇԻՆ» ՍՊ ընկերության նկատմամբ վարչական տույժ նշանակելու մասին, միաժամանակ պարտադիր ցուցում տալով՝ օրենքով սահմանված կարգով իրավախախտման հետևանքները վերացնելու համար:

բ. Տուգանք նշանակելուց հետո «ԱՐԳԱՎԱԶՇԻՆ» ՍՊ ընկերությունն առանց հողօգտագործման իրավունքի և առանց համապատասխան թույլտվության, համայնքային սեփականություն հանդիսացող հողամասերում շարունակել է կատարել ապօրինի ընդերքօգտագործումը, որը 2022 թվականի դեկտեմբերի 13-ին արձանագրվել է ՀՀ Արմավիրի մարզի Մեծամորի համայնքապետարանի գյուղատնտեսության և բնապահպանության բաժնի աշխատակիցների կողմից, որի հիման վրա 2022 թվականի դեկտեմբերի 29-ին Մեծամոր համայնքի ղեկավարի կողմից կայացվել է թիվ 2585 որոշումը՝ «ԱՐԳԱՎԱԶՇԻՆ» ՍՊԸ-ի տնօրեն Հայկ Արմենի Գասպարյանի նկատմամբ վարչական վարույթ հարուցելու մասին:

գ. Վերը նշված համայնքային սեփականություն հանդիսացող հողամասը «ԱՐԳԱՎԱԶՇԻՆ» ՍՊԸ-ի կողմից փաստացի օգտագործվում է ապօրինի, քանի որ այդ հողամասի նկատմամբ չկա Հայաստանի Հանրապետության օրենսդրությամբ սահմանված կարգով ձևակերպված որևէ իրավունք:

3. Վարչական ակտն ընդունելու հիմնավորումը.

Համաձայն «Վարչական իրավախախտումների մասին» Հայաստանի Հանրապետության օրենսգրքի 48-րդ հոդվածի երրորդ մասի՝ սույն հոդվածի առաջին և երկրորդ մասերով նախատեսված արարքները կատարել շարունակելը սույն հոդվածի առաջին և երկրորդ մասերով նախատեսված կարգով տուգանք նշանակելուց հետո առաջացնում է տուգանքի նշանակում՝ սահմանված նվազագույն աշխատավարձի երկուհազարհինգհարյուրապատիկի չափով:

Նույն օրենսգրքի 49-րդ հոդվածի համաձայն՝ ընդերքից ինքնագլուխ օգտվելը, ընդերքի պետական սեփականության իրավունքի ուղղակի կամ քողարկված ձևով խախտող գործարքներ կատարելն առաջացնում է տուգանքի նշանակում պաշտոնատար անձանց նկատմամբ՝ սահմանված նվազագույն աշխատավարձի հարյուրհինգհազարապատիկի չափով:

Վերը նշված օրենսգրքի 60¹ հոդվածի հինգերորդ մասի՝ օգտակար հանածոների արդունահանման նպատակով ընդերքն առանց համապատասխան թույլտվության օգտագործելն առաջացնում է տուգանքի նշանակում պաշտոնատար անձանց նկատմամբ՝ նվազագույն աշխատավարձի հարյուրհինգհազարապատիկի չափով:

Համաձայն «Տեղական ինքնակառավարման մասին» Հայաստանի Հանրապետության օրենքի 43-րդ հոդվածի հինգերորդ մասի՝ համայնքի ղեկավարը հողօգտագործման բնագավառում օրենքով սահմանված դեպքերում և կարգով կանխարգելում, կասեցնում և վերացնում է ապօրինի հողօգտագործումները:

«Վարչարարության հիմունքների և վարչական վարույթի մասին» Հայաստանի Հանրապետության օրենքի 60-րդ հոդվածի առաջին մասի համաձայն՝ գրավոր վարչական ակտն ուժի մեջ է մտնում ակտի ընդունման մասին նույն օրենքի 59-րդ հոդվածով սահմանված կարգով իրազեկելուն հաջորդող օրվանից, եթե օրենքով այլ բան նախատեսված չէ:

Հաշվի առնելով վերը նշված փաստական ու իրավական հիմնավորումները, հիմք ընդունելով «Վարչական իրավախախտումների մասին» Հայաստանի Հանրապետության օրենսգրքի 48-րդ հոդվածի երրորդ մասը, 49-րդ հոդվածը և 60¹ հոդվածի հինգերորդ մասը, «Տեղական ինքնակառավարման մասին» Հայաստանի

